

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 4. stav 1. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 142. sjednici, održanoj dana 18.02.2022. godine, d o n o s i

**ODLUKU**  
**o pristupanju provođenja procedure dodjele koncesije za eksploataciju**  
**mrkog uglja na području Grada Zenica**

**Član 1.**  
**(Predmet)**

Pristupa se provođenju procedure dodjele koncesije za eksploataciju mrkog uglja na području Grada Zenica.

**Član 2.**  
**(Lokacija)**

(1) Koncesiono polje ležišta mrkog uglja ograničeno je graničnim linijama sa prijelomnim tačkama, kako slijedi:

| <b>KOORDINATE KONCESIONOG / EKSPLOATACIONOG POLJA<br/>„RASPOTOČJE-DRIVUŠA“ ZENICA</b> |               |               |
|---------------------------------------------------------------------------------------|---------------|---------------|
| <b>Br.</b>                                                                            | <b>X</b>      | <b>Y</b>      |
| E                                                                                     | 4 894 420,630 | 6 490 479,260 |
| F                                                                                     | 4 894 924,370 | 6 492 534,220 |
| G                                                                                     | 4 895 184,000 | 6 492 731,000 |
| 10                                                                                    | 4 895 475,000 | 6 493 179,220 |
| 7                                                                                     | 4 896 027,006 | 6 494 136,005 |
| 8                                                                                     | 4 895 628,002 | 6 494 451,005 |
| Lj                                                                                    | 4 895 998,498 | 6 495 011,220 |
| L                                                                                     | 4 894 330,472 | 6 496 115,097 |
| M                                                                                     | 4 893 413,190 | 6 496 722,220 |
| N                                                                                     | 4 892 499,490 | 6 498 350,150 |
| Nj                                                                                    | 4 889 379,000 | 6 496 841,000 |
| 44(trig)                                                                              | 4 891 623,210 | 6 493 818,920 |

| <b>KOORDINATE KONCESIONOG / EKSPLOATACIONOG POLJA<br/>„STARA JAMA-SIDE“ ZENICA</b> |               |               |
|------------------------------------------------------------------------------------|---------------|---------------|
| <b>Br.</b>                                                                         | <b>X</b>      | <b>Y</b>      |
| B                                                                                  | 4 898 296,007 | 6 488 566,625 |
| 1                                                                                  | 4 898 915,004 | 6 491 064,507 |
| 2                                                                                  | 4 898 173,405 | 6 491 240,007 |
| 3                                                                                  | 4 898 328,003 | 6 491 873,506 |
| 4                                                                                  | 4 895 815,007 | 6 492 515,004 |
| 5                                                                                  | 4 896 767,000 | 6 494 016,002 |
| 6                                                                                  | 4 896 174,000 | 6 494 373,006 |

|                                                                                    |               |               |
|------------------------------------------------------------------------------------|---------------|---------------|
| 10                                                                                 | 4 895 475,002 | 6 493 179,002 |
| G                                                                                  | 4 895 184,008 | 6 492 731,004 |
| F                                                                                  | 4 894 924,372 | 6 492 534,220 |
| <b>KOORDINATE KONCESIONOG / EKSPLOATACIONOG POLJA<br/>„STARA JAMA-SIĐE“ ZENICA</b> |               |               |
| <b>Br.</b>                                                                         | <b>X</b>      | <b>Y</b>      |
| E                                                                                  | 4 894 420,631 | 6 490 479,261 |
| C                                                                                  | 4 895 912,087 | 6 488 879,522 |

(2) Površina koncesionog/eksploatacionog polja „Raspotočje-Drivuša“ iznosi 2.225 ha, a koncesionog/eksploatacionog polja „Stara jama - Siđe“ 1.355 ha. Ukupna površina koncesionog/eksploatacionog polja je 3.580 ha.

### **Član 3.**

#### **(Opći eliminatorni uslovi)**

(1) Opći eliminatorni uslovi za izbor najpovoljnije ponude za dodjelu koncesije su sljedeći:

- a) Dokaz o ranije stečenim pravima eksploatacije mineralne sirovine- mrkog uglja na području Grada Zenica,
- b) Studija o ekonomskoj opravdanosti dodjele koncesije na istraživanje i eksploataciju mineralne sirovine – mrkog uglja na području Grada Zenica,
- c) Ovjerena izjava ponuđača da pod krivičnom i materijalnom odgovornošću, nesporno, prihvata sve uslove iz Zaključka Gradskog vijeća Zenica o davanju prethodne saglasnosti na mogućnost dodjele koncesije za eksploataciju mineralne sirovine uglja na teritoriji Grada Zenica, broj: 01-45-15425/21 od 22.07.2021. godine,
- d) Ovjerena izjava da se pod krivičnom i materijalnom odgovornošću, nesporno, obavezuje omogućiti realizaciju svih projekata od općeg interesa, za koje Gradsko vijeće Zenica iskaže interes, a nije u koliziji sa ovim koncesionim Projektom.

(2) Opći eliminatorni uslovi vezani za ličnu i profesionalna sposobnost privrednog društva su sljedeći:

- a) Uvjerjenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine),
- b) Uvjerjenje nadležnog organa da nije predmet stečaja ili likvidacije i da nije u postupku stečaja ili likvidacije,
- c) Uvjerjenje nadležnog organa o izmirenim javnim prihodima (porezi, indirektni porezi, doprinosi za PIO/MIO i plaćenju koncesionoj naknadi),
- d) Aktuelno rješenje o upisu u sudski registar.

(3) Dokazi se dostavljaju u originalu ili ovjerenoj kopiji i ne mogu biti stariji 3 mjeseca od dana dostavljanja ponude.

(4) Opći eliminatorni uslovi vezani za ekonomsku i finansijsku sposobnost privrednog društva su sljedeći:

- a) Izvod iz Jedinственог регистра računa Centralne banke BiH o svim računima ponuđača,
- b) Potvrdu poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

#### **Član 4.** **(Posebni uslovi)**

Posebni uslovi za izbor najpovoljnije ponude za dodjelu koncesije su sljedeći:

- a) Vrijeme koncesije za eksploataciju je 10 (deset) godina računajući od dana potpisivanja ugovora, a zavisit će od utvrđenih rezervi mineralne sirovine,
- b) Za eksploataciju količine mrkog uglja, koncesionar je dužan plaćati utvrđenu kontinuiranu koncesionu naknadu (minimalni iznos je 0,80 KM/t proizvedenog uglja (nakon separacije) (slovima: nulazarezosamdeset konvertibilnih maraka po toni proizvedenog uglja), a plaćat će se mjesečno, počev od dana potpisivanja Ugovora o koncesiji,
- c) Minimalna obavezujuća količina eksploataisanog mrkog uglja za koju je koncesionar obavezan plaćati minimalnu kontinuiranu koncesionu naknadu je 421.000,00 tona komercijalnog uglja/godini (slovima:četiristotine dvadesetjednihiljada tona komercijalnog uglja u godini),
- d) Minimalna jednokratna koncesiona naknada je 250,00 KM/ha (slovima: dvjestotinepedeset konvertibilnih maraka po hektaru eksploatacionog polja). Ukupna površina koncesionog/eksploatacionog polja iznosi 3580 ha, te je iznos minimalne jednokratne koncesione naknade 895.000,00 KM. Iznos utvrđene jednokratne koncesione naknade će se plaćati u 60 jednakih rata. Jednokratna koncesiona naknada se plaća od dana potpisivanja Ugovora o koncesiji, i to do 5-tog dana u mjesecu za protekli mjesec.

#### **Član 5.** **(Ostali uslovi)**

(1) Ostali uslovi za izbor najpovoljnije ponude za dodjelu koncesije uključuju da će se koncesija dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu kriterija iz javnog poziva, koji uključuju visinu kontinuirane koncesione naknade, visinu jednokratne koncesione naknade, minimalnu godišnju realizaciju predmeta koncesije, kao i na osnovu općih kriterija dodjele koncesije za eksploataciju.

(2) Procentualno učešće kod vrednovanja ponuda je:

- |                                                         |                      |
|---------------------------------------------------------|----------------------|
| a) <u>kontinuirana koncesiona naknada</u>               | maximalno 60 bodova; |
| Ponuđač sa najvišom ponuda dobija 60 (šezdeset) bodova. |                      |
| Svaka naredna niža ponuda dobija 5 (pet) bodova manje.  |                      |
| b) <u>jednokratna koncesiona naknada</u>                | maximalno 20 bodova; |
| Ponuđač sa najvišom ponuda dobija 20 (dvadeset) bodova. |                      |
| Svaka naredna niža ponuda dobija 5 (pet) bodova manje.  |                      |
| c) <u>minimalna godišnja realizacija</u>                | maximalno 20 bodova; |
| Ponuđač sa najvišom ponuda dobija 20 (dvadeset) bodova. |                      |
| Svaka naredna niža ponuda dobija 5 (pet) bodova manje.  |                      |

(3) Najpovoljniji ponuđač - koncesionar je dužan prije potpisivanja koncesionog ugovora Ministarstvu za privredu dostaviti:

- a) geodetski elaborat,
- b) na ime uplate utvrđene jednokratne koncesione naknade, uplatnicu za prvu ratu, te deset (10) ovjerenih mjenica sa mjeničnim izjavama na utvrđeni iznos jednokratne koncesione naknade radi obezbjeđenja urednog plaćanja jednokratne koncesione naknade,
- c) četiri (4) ovjerene mjenice sa mjeničnim izjavama radi obezbjeđenja urednog plaćanja utvrđene kontinuirane koncesione naknade za utvrđenu godišnju obavezujuću količinu eksploatacije mrkog uglja.

(4) Najpovoljniji ponuđač - koncesionar dužan je, nakon što Ugovor o koncesiji bude potpisan, obezbijediti upis koncesionog prava u Zemljišne knjige i dostaviti ZK–izvadak Ministarstvu za privredu. Koncesionar je dužan koncesiono pravo upisati na slijedeći način:

- a) na katastarskim česticama na kojima je završena eksploatacija u roku od pet (5) godina od potpisivanja Ugovora,
- b) na katastarskim česticama na kojima se trenutno vrši eksploatacija u roku od dvije (2) godine od potpisivanja Ugovora,
- c) na katastarskim česticama na kojima se planira vršiti eksploatacija u roku od dvije (2) godine od dana dobijanja dozvole za eksploataciju od nadležnog organa.

(5) Koncesionar je dužan nakon upisa koncesionog prava u Zemljišne knjige, Koncesoru u rokovima utvrđenim u prethodnom stavu dostaviti zemljišno-knjižne izvadke sa identifikacijom parcela po starom i novom premjeru sa naznačenim katastarskim česticama i površinama.

(6) Koncesionar i koncesor će u roku od 12 mjeseci od dana potpisivanja Ugovora o koncesiji potpisati Prilog Ugovora o koncesiji koji će sadržavati oznake katastarskih čestica, identifikaciju parcela po starom i novom premjeru sa naznakom površina u koncesionom polju.

#### **Član 6.**

##### **(Eksploatacija)**

Radove eksploatacije, kao i sve druge prateće rudarske poslove, koncesionar je dužan izvoditi u skladu sa odredbama važećih zakona i propisa kojima je uređena oblast eksploatacije mineralnih resursa, te drugih važećih zakonskih propisa.

#### **Član 7.**

##### **(Provođenje postupka izbora)**

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži Ministarstvu za privredu najpovoljnijeg ponuđača.

#### **Član 8.**

##### **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-2703/22

Datum, 18.02.2022. godine

Zenica

**PREMIJER**

***Mirnes Bašić***

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikacije  
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x a/a